

87

L Ö G

15. des.

um breyting á lögum nr. 69 12. apríl 1945, um stýrimannaskólann í Reykjavík.

FORSETI ÍSLANDS

gjörir kunnugt: Alþingi hefur fallizt á lög þessi og ég staðfest þau með samþykki mínu:

1. gr.

Á 3. gr. laganna eru gerðar eftirtaldar breytingar:

1. Orðið „þýzku“ falli niður.
2. Í stað orðsins „hjúkrunarfræði“ komi: heilsufræði.
3. Í stað orðsins „leikfimi“ komi: íþróttir.

2. gr.

Á 5. gr. laganna eru gerðar eftirtaldar breytingar:

A. Á II.

1. Orðin „og staðarákvarðanir með radiomiðunum“ í 2. tölulið falli niður.
2. 4. töluliður orðist þannig:

Þekking á skriðmæli, vegmæli og djúpmælitækjum; þekking á leiðar-reikningi, straumi og drift; að setja stefnu skipsins og finna stað skipsins á kortinu.

B. Á III. Á eftir orðinu „Sjómennska“ komi innan sviga: munnleg, skrifleg og verkleg.

C. Á V. Í stað orðanna „er snertir sjómennsku“ komi: er varðar sjómennsku.

D. VII. liður orðist þannig:

Sjóréttur (skriflegur):

Að þekkja helztu lagaákvæði, er varða rétt og skyldur skipstjóra.

E. Í stað orðsins „Hjúkrunarfræði“ í fyrirsögn VIII. liðs komi: Heilsufræði.

F. Nýr liður, sem verður XI., bætist við 5. gr., svo hljóðandi:

Veðurfræði:

Nemendum er skylt að hlýða á fyrirlestra um veðurfræði.

3. gr.

Á 6. gr. laganna eru gerðar eftirtaldar breytingar:

1. A-liður greinarkafans um stærðfræði orðist svo:

Í reikningi: Fyllri þekking á veldi og rót og á logaritmum. Reikningur með jákvæðum og neikvæðum stærðum. Einfaldur vaxtareikningur. Einfaldar jöfnur.

2. Kafli greinarinnar um siglingafræði orðist þannig:

Siglingafræði (skrifleg og munnleg):

Hið sama og krafizt er til fiskimannaprófsins og auk þess:

Kompásleiðréttingar.

Þekking á stefnumagnsmælinum (Deflector) og notkun hans við segul-skekkjurannsóknir.

Djúpmælar.

Að kunna að fara með sjóúr og finna stöðu þess og daglegan gang.

Að kunna að finna stað skipsins með staðarlinum byggðum á athugunum sólar, tungls, fastastjörnu eða reikistjörnu. Lengdarathugun. Fyllri þekking á himintunglum.

Þekking á notkun helztu raf- og radiotækja, sem notuð er við siglingar. **87**

Þekking á stórbaugskortum og siglingu eftir stórbaug.

15. des.

3. Á eftir orðinu „Eðlisfræði“ í upphafi greinarkaflans um eðlisfræði falli niður orðið „munnleg“ innan sviganna, en í þess stað komi orðið: skrifleg.
Í 2. mgr. sama greinarkafla fellur niður orðið „afla“, en í stað þess komi: krafta.
4. Í greinarkaflanum um sjómennsku falli niður orðið „meira“ á undan orðinu „fiskimannaprófsins“ í 1. mgr. greinarkaflans og enn fremur setningin „Notkun leiðalýsinga o. fl. þ. h.“ í 2. mgr. b-liðs greinarkaflans.
5. Í stað orðanna „er snertir sjóferðir“ í greinarkaflanum um íslenzku komi: er að sjóferðum lýtur.
6. Í stað orðanna „er sjómennsku snertir“ í greinarkaflanum um dönsku komi: er sjómennsku varðar.
7. Í stað orðanna „er sjómennsku tilheyrir“ í greinarkaflanum um ensku komi: er að sjómennsku lýtur.
8. Greinarkaflinn „þýzka“ o. s. frv., aftur að orðinu „Sjóréttur“, falli niður.
9. Greinarkaflinn um sjórétt orðist þannig:
Sjóréttur (skriflegur):
Nokkru fyllri þekking en til fiskimannaprófs, einkum um farmbréf og farmskirteini. Farmsamningar.
10. Greinarkaflinn um hjúkrunarfræði orðist þannig:
Heilsufræði (munnleg):
Nokkru fyllri þekking en til fiskimannaprófs, einkum um hitabeltissjúkdóma og varnir gegn þeim.
11. Í greinarkaflanum um bókhald og viðskiptafræði falli niður orðin „og munnleg“.
12. Niðurlag greinarinnar frá og með orðunum „Ráðherra er heimilt“ falli niður.

4. gr.

7. gr. laganna orðist svo:

Til skipstjóraprófs á varðskipum ríkisins er krafizt:

1. Að nemandi hafi lokið farmannaprófi og hlotið í meðaleinkunn að minnsta kosti $\frac{3}{4}$ þeirrar einkunnar, sem hæst verður gefin.
Undanþegnir þessu ákvæði eru þeir, sem fengið hafa réttindi sem skipstjórar á varðskipum ríkisins, þegar lög þessi öðlast gildi; enn fremur má veita efnilegum nemendum undanþágu frá þessu skilyrði, ef kennarar skólans mæla eindregið með því.
2. *Siglingafræði og stærðfræði*:
 - a. Mælistaðir og lega þeirra til staðarákvarðana. Mismunur á land- og sjó-kortum.
 - b. Þekking á leiðréttingum horna, merkja og miðana á jörðunni til útsetningar í vaxandi kort.
 - c. Þekking á leiðréttingum sextanthorna vegna hæðarmismunar mælistaðanna.
 - d. Nokkru fyllri þekking en til farmannaprófs á notkun og meðferð nýjustu siglingatækja.
 - e. Nokkru fyllri stærðfræðikunnátta en til farmannaprófs.
3. *Alþjóðamerki*:
Leikni í notkun ljós- og hljóðmerkja og merkjaflagga.
4. *Alþjóðaréttur og skýrslugerð*:
 - a. Helztu ákvæði laga og milliríkjasamninga um gæzlu landhelginnar og fiskveiðar á hafinu. Þýðing og gæzla landhelginnar á ófriðartímum.
 - b. Kunnátta í ýmiss konar skýrslugerð.

- 87 5. *Enska.*
15. des. Fyllri kunnátta í að tala og rita málið en krafizt er til farmannaprófs.
6. *Þýzka.*
Undirstöðuatriði þýzkrar tungu.
7. *Likamsæfingar:*
Kunnátta í algengum fimleikum og æfing í að stjórna fimleikaflokki.

5. gr.

Í stað orðanna „Munnleg próf skulu haldin í heyranda hljóði“ í 8. gr. laganna komi: Munnleg próf má halda í heyranda hljóði.

6. gr.

12. gr. laganna falli niður, og greinatalan þar á eftir breytist því til samræmis.

7. gr.

Lög þessi öðlast þegar gildi, og skal fella meginmál þeirra og laga nr. 99 18. des. 1950 inn í lög nr. 69 12. apríl 1945, um stýrimannaskólann í Reykjavík, og gefa þau svo út þannig breytt.

Gjört í Reykjavík, 15. desember 1952.

Ásgeir Ásgeirsson.

(L. S.)

Bjarni Benediktsson.

88

L Ö G

15. des.

um heimild fyrir ríkisstjórnina til lántöku vegna byggingar áburðarverksmiðju.

FORSETI ÍSLANDS

Gjörir kunnugt: Alþingi hefur fallizt á lög þessi og ég staðfest þau með samþykki mínu:

1. gr.

Ríkisstjórninni er heimilt að taka allt að 1 millj. dollara lán, sem bandarísk stjórnvöld veita fyrir milligöngu Export-Import Bank, með þeim kjörum, sem almennt gilda um slík lán. Er ríkisstjórninni heimilt að endurlána Áburðarverk-smiðjunni h.f. alla lánsupphæðina með þeim skilmálum, sem hún telur nauðsynlega, og gegn þeim tryggingum, sem hún tekur gildar.

2. gr.

Lög þessi öðlast þegar gildi.

Gjört í Reykjavík, 15. desember 1952.

Ásgeir Ásgeirsson.

(L. S.)

Eysteinn Jónsson.